



## Mesiras per interpresas en cas da direzza

### en connex cun COVID-19

## Factsheet davart la calculaziun da las contribuziuns

---

### Infurmaziun

Respostas davart las premissas ed ulteriuras infurmaziuns generalas davart las mesiras per cas da direzza chattais Vus en l'internet sut [www.dvs.gr.ch](http://www.dvs.gr.ch).

Per interpresas ch'èn vegnidas fundadas **tranter il 1. da mars 2020 ed ils 30 da settember 2020** (pia avant il 1 d'october 2020) e per interpresas cun ina **svieuta da passa 5 milliuns francs** èn decisivs ils fegls d'infurmaziun separads.

### Chaussas generalas

La basa per calcular las contribuziuns è la **perdita economica decisiva** da l'interpresa petenta.


La perdita economica correspunda a la **part da custs fixs da la perdita da la svieuta**. Ella vegn calculada ubain **en moda individuala** per l'interpresa ubain cun **utilisar parts da custs fixs usitadas en la branscha**.

**Il chantun covra 75 % da la perdita economica** e resguarda en quest connex – pervia dal lockdown 2.0 sco er pervia da las cundiziuns pli difficilas – er ils **mais da schaner, favrer e mars** tras in **augment pauschal correspondent da la contribuziun**.

***Infurmaziun:** Ils agids per cas da direzza cuntinueschan er a partir da l'avrigl 2021 (quai vala en spezial per ils manaschis da gastronomia, perquai che quels na dastgan anc betg avrir dal tuttafatg). Davart agids per cas da direzza en cas da perditas da la svieuta a partir dal 1. d'avrigl 2021 e d'ulteriurs mais vegni infurmà a temp util.*

Sche l'interpresa sa decida per in **quint separà per ina sparta**, vegn la contribuziun calculada per questa sparta.

Survista grafica:



## Calculaziun da la perdita da la svieuta

La perdita da la svieuta vegn eruida tras la **cumparegliaziun da la svieuta annuala media dals onns precedents** cun la **svieuta da l'onn 2020 u da la perioda da 12 mais tschernida per ils onns 2020/2021**.

- La taglia sin la plivalur (TPV) na tutga betg tar la svieuta; las svieutas vegnan calculadas senza TPV.
- Indemnisaziuns per lavur reducida, cumpensaziun dal gudogn, auters agids da COVID-19 ed ulteriuras contribuziuns finanzialas na vegnan betg resguardads per la svieuta da l'onn 2020 (u da la perioda tschernida da l'interpresa).

Calculaziun: (svieuta annuala media dals onns precedents) – (svieuta da l'onn 2020 resp. da la perioda da 12 mais 2020/2021) = perdita da la svieuta

## Svieuta annuala media dals onns precedents

Calculaziun da la svieuta annuala media dals onns precedents:

- Interpresas fundadas **avant il 1. da schaner 2018**: media da las svieutas dals onns 2018/2019.
- Interpresas fundadas **il 1. da schaner 2018 fin ils 29 da favrer 2020**:
  - svieutas **a partir da la fundaziun (resp. a partir dal cumenzament da l'activitad commerciala) fin ils 29 da favrer 2020**, calculadas sin in onn; u
  - svieutas **a partir da la fundaziun (resp. a partir dal cumenzament da l'activitad commerciala) fin ils 31 da december 2020** (resguardond il lockdown 2.0), calculadas sin in onn.

## Svieuta da l'onn 2020 u da la perioda da 12 mais 2020/2021

Inoltrond la dumonda po ina interpresa tschermer ina da las suandantas periodas per eruir la perdita da la svieuta:

- perioda da svieuta 2020 (1. da schaner 2020 – 31 da december 2020) u
- perioda da svieuta dal 1. da favrer 2020 – 31 da schaner 2021 u
- perioda da svieuta dal 1. da mars 2020 – 28 da favrer 2021 u
- perioda da svieuta dals 16 da mars 2020 – 15 da mars 2021 u
- perioda da svieuta dal 1. d'avrigl 2020 – 31 da mars 2021

La tschernida d'ina perioda da 12 mais 2020/2021 che na correspunda betg a l'onn 2020, fa senn per ils suandants motivs:

- La premissa d'ina perdita da la svieuta da 15 % (40 % per interpresas betg serradas sin ordinaziun uffiziala) na vegn betg cuntanschida l'onn 2020, percenter dentant p.ex. durant la perioda dal 1. da mars 2020 fin ils 28 da favrer 2021.
- L'onn da gestiun correspunda ad ina da las periodas numnadas; per l'interpresa èsi uschia pli simpel d'inoltrar la dumonda cun ils documents pretendids.

**REMARTGA:** Per l'autezza da la contribuziun na dependi betg, tge perioda che vegn tschernida. Per calcular la contribuziun vegn resguardada la **perioda fin la fin da mars 2021** (tras in augment pauschal da la contribuziun) (guardar er il punct "Autezza da la contribuziun" qua sutvart).

- Ils agids per cas da direzza cuntinueschan er a partir dal 1. d'avrigl 2021 (quai vala en spezial per ils manaschis da gastronomia, perquai che quels na dastgan anc betg avrir dal tutfatg). Davart agids per cas da direzza en cas da perditas da la svieuta a partir dal 1. d'avrigl 2021 e d'ulteriurs mais vegni infurmà a temp util.

*Exempel:* Interpresa A, fundada avant il 1. da schaner 2018; perioda da svieuta tschernida: onn 2020

Svieuta 2018	850 000.– fr.
Svieuta 2019	950 000.– fr.
<b>Ø da las svieutas annualas 2018/2019</b>	<b>900 000.– fr.</b>
<i>./. svieuta 2020</i>	<i>- 500 000.– fr.</i>
<b>Perdita da la svieuta</b>	<b>400 000.– fr. (= 44,44 %)</b>

*Exempel:* Interpresa B, fundada avant il 1. da schaner 2018; perioda da svieuta tschernida: 1-3-20 – 28-2-21

Svieuta 2018	850 000.– fr.
Svieuta 2019	950 000.– fr.
<b>Ø da las svieutas annualas 2018/2019</b>	<b>900 000.– fr.</b>
<i>./. svieuta 1-3-2020 – 28-2-2021</i>	<i>- 400 000.– fr.</i>
<b>Perdita da la svieuta</b>	<b>500 000.– fr. (= 55,55 %)</b>

**Infurmaziun:** Il fatg che la perdita da la svieuta da l'interpresa A è pli pitschna che quella da l'interpresa B, è d'attribuir ad in'autra perioda da cumparegliaziun (onn 2020 empè da 1. da mars 2020 – 28 da favrer 2021). Quai vegn cumpensà cun calcular la contribuziun, perquai ch'i vegn adina resguardada la fasa fin la fin da mars 2021 (guardar "Autezza da la contribuziun" qua sutvart).

*Exempel:* Interpresa C, fundada avant il 1. da fanadur 2018; perioda da svieuta tschernida: onn 2020

Svieuta 1. da fanadur – 31 da december 2018 (6 mais)	300 000.– fr.
Svieuta onn 2019 (12 mais)	700 000.– fr.
Svieuta schaner e favrer 2020 (2 mais)	100 000.– fr.
<b>Svieuta dals onns precedents per 12 mais</b>	<b>660 000.– fr.</b>
<i>./. svieuta 2020</i>	<i>- 380 000.– fr.</i>
<b>Perdita da la svieuta</b>	<b>280 000.– fr. (= 42,42 %)</b>

*Exempel:* Interpresa D, fundada il 1. da fanadur 2018; perioda da svieuta tschernida: 1-3-20 – 28-2-21

Svieuta 1. da fanadur – 31 da december 2018 (6 mais)	300 000.– fr.
Svieuta onn 2019 (12 mais)	700 000.– fr.
Svieuta schaner e favrer 2020 (2 mais)	100 000.– fr.

<b>Svieuta dals onns precedents per 12 mais</b>	<b>660 000.– fr.</b>
<i>./.</i> svieuta 1-3-2020 – 28-2-2021	- 300 000.– fr.
<b>Perdita da la svieuta</b>	<b>360 000.– fr. (= 54,54 %)</b>

**Infurmaziun:** Il fatg che la perdita da la svieuta da l'interpresa C è pli pitschna che quella da l'interpresa D, è d'attribuir ad in'otra perioda da cumparegliaziun (onn 2020 empè da 1. da mars 2020 – 28 da favrer 2021). Quai vegn cumpensà cun calcular la contribuziun, perquai ch'i vegn adina resguardada la fasa fin la fin da mars 2021.

## Perdita economica decisiva

La **part da custs fixs da la perdita da la svieuta** furma la perdita economica decisiva. Ella vegn calculada ubain cun **utilisar parts da custs fixs usitadas en la bransch** ubain **en moda individuala** per l'interpresa.

Per la **part da custs fixs** d'interpresas da tschertas bransch vegnan utilisadas parts da custs fixs usitadas en la bransch:

- gastronomia (incl. gastronomia da notg) 30 %;
- hotellaria totalmain 35 %. En cas d'ina inoltraziun d'in quint separà per ina sparta:
  - mo sparta alloschament 40 %,
  - mo sparta bar/gastronomia 30 %,
  - mo sparta wellness 30 %,
  - mo sparta banchets 30 %,
  - mo sparta seminaris 35 %;
- temp liber / divertiment / sport 45 %.

Per interpresas che n'appartegnan betg ad ina da las bransch numnadas e che n'han perquai naginas parts da custs fixs usitadas en la bransch, vegn la perdita economica decisiva **calculada en moda individuala**. Per quest intent vegn calculada er la part da custs fixs da la perdita da la svieuta, e quai ubain en moda positiva cun constatar la part efectiva dals custs fixs ubain en moda negativa cun deducir da la svieuta tut ils custs variabels. Lura vegn quintà vitiers in supplement pauschal per quels custs da personal che resultan anc adina malgrà l'indemnisaziun per lavur reducida (ILR) u malgrà la cumpensaziun dal gudogn (CG). Quest supplement pauschal correspunda a 20 % da la part da custs da personal vi da la perdita da la svieuta. La summa correspunda a la perdita economica.

**Exempel:** L'interpresa A cun ina part da custs fixs da 28 % e cun ina part da custs da personal da 35 % ha ina perdita da la svieuta da 500 000.– francs en la calculaziun individuala da la part da custs fixs

<i>Perdita da la svieuta</i>	500 000.– fr.
<i>Part procentuala da custs fixs (28 %) vi da la perdita da la svieuta</i>	140 000.– fr.
<i>+ 20 % da la part da custs da personal (35 %) vi da la perdita da la svieuta</i>	35 000.– fr.
<b>Perdita economica</b>	<b>175 000.– fr.</b>

## Autezza da la contribuziun

**La tariffa da contribuziun en il chantun Grischun importa 75 %** da la perdita economica decisiva, e quella correspunda da princip a la part da custs fixs da la perdita da la svieuta.

Per calcular la contribuziun vegnan l'emprim **resguardadas** las perditas da la svieuta a partir da la pandemia il mars 2020 fin e cun **il mars 2021** (augment pauschal da la contribuziun).

**Infurmaziun:** Ils agids per cas da direzza cuntinueschan er a partir dal 1. d'avrigl 2021 (quai vala en spezial per ils manaschis da gastronomia, perquai che quels na dastgan anc betg avrir dal tutfatg). Davart agids per cas da direzza en cas da perditas da la svieuta a partir dal 1. d'avrigl 2021 e d'ulteriurs mais vegni infurmà a temp util.

L'interpresa po tscherner ed endatar en la dumonda quella perioda, en la quala las perditas da la svieuta èn resultadas:

- perioda da svieuta 2020 (1. da schaner 2020 – 31 da december 2020) u
- perioda da svieuta dal 1. da favrer 2020 – 31 da schaner 2021 u
- perioda da svieuta dal 1. da mars 2020 – 28 da favrer 2021 u
- perioda da svieuta dals 16 da mars 2020 – 15 da mars 2021 u
- perioda da svieuta dal 1. d'avrigl 2020 – 31 da mars 2021

Tut tenor la **perioda** tschernida e la **bransch** **s'augmenta la contribuziun** per ina tscherta fracziun (augment pauschal da la contribuziun cun in supplement), per ch'i sajan adina resguardads il lockdown 2.0 e las cundiziuns pli difficilas dals mais da schaner, favrer e mars 2021.

- Per interpresas che han tschernì la perioda da l'onn 2020 en la dumonda, vegn l'emprim calculada la contribuziun areguard las perditas da l'onn 2020. Suenter vegn augmentada la contribuziun resguardond ils mais da schaner, favrer e mars 2021.
- Per interpresas che han tschernì la perioda dal 1. da favrer 2020 fin ils 31 da schaner 2021 en la dumonda, vegn calculada la contribuziun per questa perioda. Suenter vegn augmentada la contribuziun resguardond ils mais da favrer e mars 2021.
- Per interpresas che han tschernì la perioda dal 1. da mars 2020 fin ils 28 da favrer 2021, vegn calculada la contribuziun per questa perioda. Suenter vegn augmentada la contribuziun resguardond il mais da mars 2021.
- Per interpresas che han tschernì la perioda dals 16 da mars 2020 fin ils 15 da mars 2021, vegn calculada la contribuziun per questa perioda. Suenter vegn augmentada la contribuziun resguardond las duas emnas mancantas dal mais da mars 2021.
- Per interpresas che han tschernì la perioda dal 1. d'avrigl 2020 fin ils 31 da mars 2021, vegn calculada la contribuziun per questa perioda. Suenter vegn la contribuziun augmentada resguardond en moda retrospectiva il mez mais mars 2020 che n'è betg cuntegnì en la perioda da cumparegliaziun. En quest regard valan qua ils medems supplements sco tar la fasa dals 16 da mars 2020 fin ils 15 da mars 2021.

Las tariffas d'augment per las singulas branschas sa drizzan **tenor las serradas e las restricziuns ordinadas da las autoritads l'onn 2020.**

Survista tabellara:

<i>Branscha/sectur</i>	<i>Perioda tschernida</i>	<i>Perioda tschernida</i>	<i>Perioda tschernida</i>	<i>Perioda tschernida</i>
	onn 2020	1-2-20 – 31-1-21	1-3-20 – 28-2-21	16 da mars 2020 – 15 da mars 2021 u 1. d'avrigl 2020 – 31 da mars 2021
Gastronomia	+ $\frac{3}{3}$ per sch/favr/mars 21	+ $\frac{2}{4}$ per favr/mars 21	+ $\frac{1}{5}$ per mars 21	+ $\frac{1}{11}$ per mez mais mars 21 resp. retrosp. mars 20
Temp liber, divertiment e sport	+ $\frac{3}{3}$ per sch/favr/mars 21	+ $\frac{2}{4}$ per favr/mars 21	+ $\frac{1}{5}$ per mars 21	+ $\frac{1}{11}$ per mez mais mars 21 resp. retrosp. mars 20
Alloschament/hotel	+ $\frac{3}{4}$ per sch/favr/mars 21	+ $\frac{2}{5}$ per favr/mars 21	+ $\frac{1}{6}$ per mars 21	+ $\frac{1}{13}$ per mez mais mars 21 resp. retrosp. mars 20
Auters manaschis	+ $\frac{3}{9}$ per sch/favr/mars 21	+ $\frac{2}{10}$ per favr/mars 21	+ $\frac{1}{11}$ per mars 21	+ $\frac{1}{23}$ per mez mais mars 21 resp. retrosp. mars 20

**Remartga:** Sch'in manaschi da gastronomia inoltrescha la svieuta da l'onn 2020, s'augmenta la contribuziun per  $\frac{3}{3}$ . Sche l'interpresa tscherna la perioda dal 1. da favrer 2020 – 31 da schaner 2021, s'augmenta la contribuziun per  $\frac{2}{4}$ . Il medem vala per autras interpresas e branschas, dentant cun autras fracziuns.

**Contribuziuns da l'onn 2020 or dal fond chantunal per cas da direzza vegnan subtrahadas da la contribuziun.** Quai vala er per auters agids da COVID-19 specifics per la branscha, concedids a l'interpresa l'onn 2020.

**L'autezza da la contribuziun da sustegn è limitada a maximalmain 20 % da la media da las svieutas dals onns precedents ed a maximalmain 1 milliun francs per interpresa.** Per interpresas cun ina perdita da la svieuta da passa 70 % importa l'autezza maximala da la contribuziun da sustegn 30 % da la media da las svieutas dals onns precedents ed è limitada a maximalmain 1,5 milliuns francs per interpresa.

## Exempels da calculaziun

Ils exempels 1 e 2 mussan duas interpresas, nua ch'i vegn applitgada ina part da custs fixs usitada en la bransch per eruir la perdita economica (= part da custs fixs da la perdita da la svieuta).

### 1. Interpresa A (manaschi da gastronomia). Perioda tschernida: onn 2020

Media da las svieutas annualas 2018/2019: 150 000.– francs; svieuta l'onn 2020: 60 000.– fr. La part da custs fixs per manaschis da gastronomia importa pauschalmain 30 %. La tariffa da contribuziun importa 75 % e s'augmenta per  $\frac{3}{3}$  per resguardar ils mais da schaner, favrer e mars 2021. La contribuziun surpassa la limita da 20 % da la svieuta da l'onn precedent e vegn perquai limitada. Il manaschi ha ultra da quai survegni 5000.– francs or dal fond chantunal per cas da direzza.

#### Calculaziun da la perdita economica (part da custs fixs da la perdita da la svieuta):

Ø da las svieutas annualas 2018/2019	150 000.– fr.
./ svieuta 2020	- 60 000.– fr.
<hr/>	
Perdita da la svieuta (46,67 %)	90 000.– fr.
Da quai part da custs fixs da 30 %	x 0,3
<hr/>	
<b>Perdita economica decisiva</b>	<b>27 000.– fr.</b>

#### Calculaziun da la contribuziun:

Perdita economica decisiva	27 000.– fr.
Da quai tariffa da contribuziun da 75 %	x 0,75
<hr/>	
Contribuziun da basa	20 250.– francs
+ $\frac{3}{3}$ augment per il schaner/favrer/mars 2021 (20 250.– fr. x $\frac{3}{3}$ )	20 250.– francs
<hr/>	
Contribuziun brutta	40 500.– fr.
./ contribuziuns survegnidas or dal fond chantunal per cas da direzza settember 2020	- 5 000.– fr.
<hr/>	
Contribuziun brutta suenter la deducziun d'agids gia survegnids	35 500.– fr.
Limita da contribuziun = 20 % da la svieuta da l'onn precedent (150 000.– fr x 0,2)	30 000.– fr.
<hr/>	
<b>Contribuziun dal chantun</b>	<b>30 000.– fr.</b>

### 2. Interpresa B (manaschi da gastronomia). Perioda tschernida: 1-2-20 – 31-1-21

Media da las svieutas annualas: 900 000.– francs; svieuta dal 1. da favrer 2020 – 31 da schaner 2021: 500 000.– fr. La part da custs fixs per manaschis da gastronomia importa pauschalmain 30 %. La tariffa da contribuziun importa 75 % e s'augmenta per  $\frac{2}{4}$  per resguardar ils mais da favrer e mars. Il manaschi ha ultra da quai survegni 10 000.– francs or dal fond chantunal per cas da direzza.

#### Calculaziun da la perdita economica (part da custs fixs da la perdita da la svieuta):

Ø da las svieutas annualas 2018/2019	900 000.– fr.
./ svieuta 1. da favrer 2020 – 31 da schaner 2021	- 500 000.– fr.
<hr/>	
Perdita da la svieuta (44,44 %)	400 000.– fr.

<i>Da quai part da custs fixs da 30 %</i>	<i>x 0,3</i>
<b>Perdita economica decisiva</b>	<b>120 000.– fr.</b>
<u><i>Calculaziun da la contribuziun:</i></u>	
<i>Perdita economica decisiva</i>	<i>120 000.– fr.</i>
<i>Da quai tariffa da contribuziun da 75 %</i>	<i>x 0,75</i>
<i>Contribuziun da basa</i>	<i>90 000.– fr.</i>
<i>+ <sup>2</sup>/<sub>4</sub> augment per il favrer/mars 2021 (90 000.– fr. x <sup>2</sup>/<sub>4</sub>)</i>	<i>45 000.– fr.</i>
<i>Contribuziun brutta</i>	<i>135 000.– fr.</i>
<i>./.</i> <i>contribuziuns survegnidas or dal fond chantunal per cas da direzza settember 2020</i>	<i>- 10 000.– fr.</i>
<b>Contribuziun dal chantun</b>	<b>125 000.– fr.</b>

L'exempel 3 mussa ina interpresa, nua che la perdita economica vegn eruida sin basa d'ina calculaziun individuala.

### 3. Interpresa C (biro da viadi). Perioda tschernida: 1-3-20 – 28-2-21

Media da las svieutas annualas 2018/2019: 660 000.– francs; svieuta dal 1. da mars 2020 – 28 da favrer 2021: 300 000.– francs

Structura dal biro da viadi: 15 % custs fixs, 25 % custs da persunal. La perdita economica vegn fixada individualmain. La tariffa da contribuziun importa 75 % e s'augmenta per <sup>1</sup>/<sub>11</sub> per resguardar il mais da mars 2021.

<u><i>Calculaziun da la perdita economica (part da custs fixs da la perdita da la svieuta):</i></u>	
<i>Ø da las svieutas annualas 2018/2019</i>	<i>660 000.– fr.</i>
<i>./.</i> <i>svieuta 1-3-2020 – 28-2-2021</i>	<i>- 300 000.– fr.</i>
<i>Perdita da la svieuta (54,54 %)</i>	<i>360 000.– fr.</i>
<i>Da quai part da custs fixs (15 %) vi da la perdita da la svieuta</i>	<i>54 000.– fr.</i>
<i>+ 20 % da la part da custs da persunal (25 %) vi da la perdita da la svieuta</i>	<i>18 000.– fr.</i>
<b>Perdita economica decisiva</b>	<b>72 000.– fr.</b>
<u><i>Calculaziun da la contribuziun:</i></u>	
<i>Perdita economica decisiva</i>	<i>72 000.– fr.</i>
<i>Da quai tariffa da contribuziun da 75 %</i>	<i>x 0,75</i>
<i>Contribuziun da basa</i>	<i>54 000.– fr.</i>
<i>+ <sup>1</sup>/<sub>11</sub> augment per il mars 2021 (54 000.– fr. x <sup>1</sup>/<sub>11</sub>)</i>	<i>4 909.– fr.</i>
<b>Contribuziun dal chantun</b>	<b>58 909.– fr.</b>

L'exempel 4 mussa ina interpresa, nua ch'i vegn applitgada ina part da custs fixs usitada en la branscha per eruir la perdita economica (= part da custs fixs da la perdita da la svieuta).

### 4. Interpresa D (studio da fitness). Perioda tschernida: 1-3-20 – 28-2-21

Media da las svieutas annualas 2018/2019: 800 000.– francs; svieuta dal 1. da mars 2020 – 28 da favrer 2021:

200 000.– fr. La part da custs fixs per manaschis da temp liber importa pauschalmain 45 %. La tariffa importa 75 %



e s'augmenta per  $\frac{1}{5}$  per resguardar il mais da mars 2021. La contribuziun surpassa la limita da 30 % da la svieuta da l'onn precedent e vegn perquai limitada.

Calculaziun da la perdita economica (part da custs fixes da la perdita da la svieuta):

<i>Ø da las svieutas annualas 2018/2019</i>	<i>800 000.– fr.</i>
<i>./.. svieuta 1-3-2020 – 28-2-2021</i>	<i>- 200 000.– fr.</i>
<hr/> <i>Perdita da la svieuta (72,5 %)</i>	<hr/> <i>600 000.– fr.</i>
<i>Da quai part da custs fixes da 45 %</i>	<i>x 0,45</i>
<hr/> <b><i>Perdita economica decisiva</i></b>	<hr/> <b><i>270 000.– fr.</i></b>

Calculaziun da la contribuziun:

<i>Perdita economica decisiva</i>	<i>270 000.– fr.</i>
<i>Da quai tariffa da contribuziun da 75 %</i>	<i>x 0,75</i>
<hr/> <i>Contribuziun da basa</i>	<hr/> <i>202 500.– fr.</i>
<i>+ <math>\frac{1}{5}</math> augment per il mars 2021 (202 500.– fr. x <math>\frac{1}{5}</math>)</i>	<i>40 500.– fr.</i>
<hr/> <i>Contribuziun brutta</i>	<hr/> <i>243 000.– fr.</i>
<i>Limita da contribuziun = 30 % da la svieuta da l'onn precedent</i>	<i>240 000.– fr.</i>
<i>(800 000.– fr x 0,3)</i>	<i>240 000.– fr.</i>
<hr/> <b><i>Contribuziun dal chantun</i></b>	<hr/> <b><i>240 000.– fr.</i></b>

Cuira, ils 19 d'avrigl 2021 (update dals 22 da fanadur 2021)